

الرشاد

س ١٠٠٠ ١٣٣٠

والله يهدي من يشاء الى صراط مستقيم ديني ، علمي ، ادبي ، سياسي هفتلق مجموعة اسلاميدر
اتبعون اهدكم سبيل الرشاد
صاحب ومدير مسئول : ح : اشرف اديب

اولمیرنی آرزو ایتدک . اولر جناب فیاض قدیرک کتاب کریمده :
« قاتلوهم بعدہم اللہ و ان اللہ اشتری من المؤمن انفسہم و اموالہم بان لہم الجنة . . . » اولدیفنی درخاطر ایدرک دشمن دین و وطن ایلہ بتون عزملریلہ ، بتون وارلقریلہ اوغراشه جقلردر .
زده انشاء تعالیٰ یقینده سزه قاووشه جغز و مجاہدین اسلامیه میاننده بولنقلہ افتخار ایلہ جکزر .

مهر

المقتبس النور القدوسی احمد بن محمد
الشریف الادریسی الحسینی السنوسی

- برنجی نومروسنک مندرجاتی :
- (۱) اسلامیتک اون اوچ عصرلق سیاستی . محوری (یقینده اسلامیت ایلہ مشرف اولان ژاپون اشرافندن) بارون هیکو .
 - (۲) ژاپونلرک اسلامیتہ نظری و حال حاضرده کی موقی . محوری : حسن مرشد .
 - (۳) اتحاد اسلام . محوری : احمد منیر رشید .
 - (۴) شرقده قرآن شریف . محوری : محمد برکت اللہ .
 - (۵) سوسیالیزم و اسلام . محوری : لویز نیکل .
 - (۶) طرابلس غرب محاربہ سنک عالم اسلامہ تأثیری .

شیون

بیاننامہ مشیختپناہی . — دین مبین اسلامک تسترنسوان حقندہ کی احکامی نیچہ منافعی جالب و بونجہ مفاسدی مانع و سالب اولوب حتی آوروپا حکما سنندن بر جوقلری طرفندن دخی تقدیر ایدلدیکی حالده زده بو وظیفہ دینیہک و بونک اوزرینہ تأسس و تقرر ایدن عادات مستحسنہ ملیہک کوندن کونہ اہمیتدن اسقاط ایدلمکده اولدیفنی کمال تأثرلہ مشاہدہ اولنقدہ در . نسوان مسلمہک تستر مقصدیلہ من القدیما استعمال واکتسا ایتکده اولدقلری چارشفلرک شکلی رفتہ رفتہ تغیر ایدرک برمدتدیری مودہ تیہاً اکتساب ایلدیکی شکل و صورت عقلی باشنده اولانلرک جملہ سنی تأثیرات عمیقہ بہ دوچار ایدیور . ناموس و حیثیتی ، عفت و عصمتی محافظہ قیدندہ بولنان اسلام خانلربنک دنیاسدہ اک بیوک فناقلری جالب و دار آخرتہ سؤل و عذاب الہی مستوجب اولان بو کبی حالردن توقی ایللری نہ درجہ لردہ واجب ایسہ بز ارککلرک دخی ارباب ناموس نظرندہ چیرکین کورلدیکی شہہ اولمیان بوکبی مودہ لرلہ کیت کیدہ دائرہ ادبدن خارجه جیقمق ایستیان زوجات و بناتمزہ حدود شرعیہ تی تلقین و تفہیم و قوق العادہ محافظہ سی ہرکسہ واجب اولان عادات ملیہ رعایتی توصیہ و خلافی حرکتندہ بولنانلری تأدیپ و منع ایلککلرکمز اقتضا ایدر . ملنک مطلوب اولان ترقیسی آداب دینیہ و عادات مستحسنہ قومہک حسن محافظہ سیلہ قائم اولوب حتی ژاپون قومنک اوتوز قرق سنہ ظرفندہ ایشیدیلان ترقیات خارقه نماسی بوسایہدہ میسر اولمشدر . بزبوحقیقتلردن غافل ، هوا و ہوس نفسانینک ایجاباتہ مائل اولورسہق امید ایتدیکمز وجداً محتاج اولدیغمز ترقی و تعالیٰ بہ بدل کنام اولمقلغمز مقرردر . ممالک عثمانیہدہ طائمش اولان ادیان اربابی کندی مذہبلربنک آداب و ایجاباتی اجرا ایلہ مکلف اولوب بوکا مخالف حرکاتک ممنوعیتی دخی قانون جزانک طقسان طقوزنجی مادہ سنک اوچنجی ذیلی موجینجہ با ارادہ سنیہ اتخاذ و اعلان ایدیلان مقررات ایلہ بوکرہ حکومت سنیہ عثمانیہجہ تأیید ایدلش و بو فقرہ مذکورہ بہ تماس ایدن جرائمک تعقیبی و مرتکبلری ایچون محاکم

فطیونیات

طرابلس غربک مسلمانلرجه اہمیتی

ایتالیانک آوروپادہ مسلمانلنی بوغرق املی

« طرابلس غرب کرک عثمانلیق ، کرک عالم اسلامیت ایچون فوق العادہ مهم بر مرکزدر . آفریقای وسطی ایچنہ مدنیت و افکار اسلامیهک انتشاری امرندہ طرابلس یکانہ بر قبو ، برنجرہ اولہرق قالمش ایدی . آنک ایچون طرابلس ، مستقبل اسلامیت طولایسیلہ غایت مهم بر نقطہ در . واقعا انکلتزہ ایلہ فرالسہ بر معاہدہ ایلہ طرابلسک ہینترلاندینی یعنی کیریسنی کسمشدر ایسہدہ طرابلس ینہ اسلامیتک مدخلی اولق وظیفہ سنی ایدہ بیلورردی . با خصوص مسموعاتمز طوغری ایسہ ایتالیا طرابلسک بو خدمت مدنیہ اسلامیه سنی نظر دقتہ آلہرق سرد ایتدیکی شرائط آرہ سندہ حریت مذہبیہ بہ متعلق بر قید قویمش . بو حریتی (Liberté individuelle) یعنی شخصی و فردی بر حریت اولق اوزرہ سرد ایلش ! دیمک کہ جماعتجہ ، ادارہجہ بر حریت طائمیور . مؤسسات دینیہ تشکیلاتی حقندہ غایتلہ احتیاطلی طاورانیور . ایتالیا کندیسنہ جواب رد ویریلہ جکندن قطعاً امین اولدیفنی حالده آکلاملی کہ حریت مذہبیہ تی بیلہ تقیید ایتک ایستہ بور ، دیمک اولیور کہ معاذاللہ طرابلس غربک ایتالیا اللہ یکمسی فرض ایدلسہ آرتق سنوسی ہیٹلرینہ مساعدہ ایدلمہ جک . بو ایسہ حا کیت دینیہ اسلامیه تی ضعفہ دوشورمک ایچون دوشونلش برشیدر »

—

« توکیودہ » اسلام غزتہ سی

بوکرہ ۲۰ شباطدن اعتباراً ژاپونیہدہ ژاپون لسانندہ « اسلام » نامیلہ فلسفی ، دینی بر غزتہ نشرینہ یاشلانمشدر .